

直隸叙永廳志卷三十七

列女

貞節女孝

烈節女烈

直隸叙永廳縣附

節孝

明徐氏

赤水人孫生妻夫喪守節嘉靖時建坊

旌表

歐陽氏

赤水人陳琢妻夫喪守節嘉靖時建坊

旌表

章氏

赤水人聶貴妻苦節終身嘉靖時建坊

直隸叙永廳志

卷三十七

節孝

一

旌表

張氏

王鳳麟妻夫亡守節嘉靖間題旌

志畧王鳳麟妻遺其姓氏抄本作張氏今補錄

張氏

永寧庠生周登順妻年二十二夫亡守

節教子于用中隆慶庚午鄉試授湖廣承天司

理氏常勗以寬慎一日謂其子曰吾苦志教汝

至此而遠離汝父之墓非吾願也于用泣下遂

致仕歸萬歷間旌表入節孝祠

陳氏

聞賢妻賢登進士早卒氏守節撫子萬

歷間旌表

羅氏 丁汝霖妻年十八霖死遺腹子聞詩氏苦節教子聞詩年二十六以貢生任大足縣廣文萬歷間旌表

樊氏 永寧庠生聞克明妻年十八克明死家貧守節教子道立中隆慶庚午鄉試累官浙江司員外郎萬歷時建坊旌表入節孝祠

劉氏 萬象妻志畧作象賢象存日欲置義田有志未逮而卒後氏克成夫志遺田盡捐爲義

直隸叙永廳志

卷三十七

節孝

二

田學院題其門曰旌義

封氏 閔文煥妻

謝氏 張貴妻

馬氏 侯因妻

胡氏 孫賢妻

鄒氏 雷震妻

沈氏 雷霖妻人稱雷門雙節

梁氏 夏時妻

歐氏 赤水人遺其夫名

以上八人守節俱請題旌載舊衛志年代事實
無考

柳氏 永寧人廩生宋聯元妻年二十五而寡
撫子仲郊食餼旋卒又撫其孫守節四十五年
學使旌之

胡氏 永寧人廩生黃坤妻年二十五坤卒孝
事舅姑撫子成立守節三十六年鄉里稱之

羅氏 永寧人諸生藺毓蘭妻年二十于歸勸
夫力學毓蘭卒氏奉事舅姑以孝稱撫子藺芳

直隸叙永廳志

卷三十七

節孝

三

不廢學業苦節三十八年

以上三人有守節事實無題旌年代可考

國朝

胡氏 庠生冷鼎和妻事姑克順姑卒盡哀三
年絕無喜色鄰里欽之康熙二十年翁病篤醫
不效氏親割股和藥進之翁疾愈不覺隣有馬
嫗察知羨甚愆其夫具報氏正色曰各行所事
耳何以報爲合衛庠生公舉焉

吳氏 永寧人劉勸妻縣丞劉佐叅之母勸故

時氏年二十八歲力貧撫孤四子俱獲成立雍正十年

旌表入節孝祠

彭氏 生員李其進妻一生苦節雍正十二年旌表

路氏 台相臣妻矢志守節撫孤入泮乾隆六年請

旌

解氏 庠生劉澤遠妻年十七歲夫亡守節教

直隸叙永廳志

卷三十七

節孝

四

子成名乾隆十三年

旌表建坊入節孝祠

張氏 永寧縣人魯發長妻年十八歲夫亡守節教子入泮乾隆十八年

旌表建坊

孟氏 庠生李茂莊妻年十六歲夫亡守節教子成名乾隆十八年

旌表建坊入節孝祠

魯氏 叙永廳人王縉妻年二十一歲夫亡守

節教子成名乾隆五十年

旌表建坊

周氏 監生官懋績妻年二十三歲夫亡守節
孝事翁姑嘉慶六年

旌表入節孝祠

李氏 叙永廳人張詡妻夫亡守志撫二子其
慶其度後二子繼亡媳宋氏陳氏又同守貞乾
隆四十七年署知縣余廷舉給匾旌之曰一門
三節

直隸叙永廳志

卷三十七

節孝

五

胡氏 叙永廳處士龍鼎璠妻貢生定儀定華
之祖母年二十三歲夫亡青年矢志課子教孫
守節六十五年而卒

姚氏 叙永廳處士胡居恒妻廩生胡治猷之
祖母年二十八歲夫亡苦志守節歷五十四年
而卒

李氏 叙永廳處士蒲文衡妻庠生芳藻母年
二十五歲夫亡越五月而生芳藻誓守貞操苦
志教子今歷節四十七年

曾氏 叙永廳人王有萬妻年二十八歲夫亡
一身子立苦志守貞今歷節四十年

彭氏 叙永廳庠生陳調妻庠生學裕母年二
十六歲夫亡貧能奉姑義以教子今歷節三十
九年

何氏 叙永廳處士胡峻妻廩生胡治猷之母
年二十六歲夫亡孝奉孀姑子故苦撫幼孫孝
慈並著今歷節三十六年

袁氏 叙永廳武生陳瑄妻年二十七歲夫亡
孝舅姑撫幼子今歷節三十五年

朱氏 叙永廳監生賈維珍妻庠生承彪母年
十七歲夫亡孝事翁姑教育孤子今歷節三十
四年

以上八人於嘉慶十七年同知周偉業先後詳
請

題旌

節烈

明熊氏 張國政妻夫亡守節乙酉流寇破永獲

直隸叙永廳志

卷三十七

節孝

六

之氏罵獻忠孫可望不絕口賊怒殺之

國朝

李氏 張問達妻年十八歲康熙十九年吳逆

破永掠鄉民婦女氏恐被辱赴水死

羅氏 永寧縣人張其信妻被鄰人丁應元調

姦不從憤極自縊乾隆六年

旌表

廖氏 叙永廳人吳光祖妻因被吳崇榜強姦

不從致被殺死嘉慶十四年

直隸叙永廳志

卷三十七

節烈

七

旌表建坊

貞女

胡氏女 楊登英未婚之妻夫死不嫁

旌表入節孝祠

烈女

江氏女 普市所官江之鴻女年十六未字離亂

被擄不辱自縊死康熙三年

旌獎